

JESUS MAITATZEAK DAKARTZIEN ONDASÚNAK.



Jesusen Biotzeko nai edo amoreari eranzutetik, atera oi den ondasunik andiena da, Jesus berak ekarri zuena dirudien bizitza egitea. Moldaturik uzten badezu zere biotza, ta Jesusen Biotzaren iduri ta antzarekin maitatzen badezu, aren Biotzak maite zuena; egiten badezu, egiñalean, Jesus onak nai duena, berak bere Aitak nai zuena egin zuen bezala; kanpotik egiten dituzun gauzak badira, Jesusek egin zituenen idurikoak; maite dezula Jesus adirazten dezu; ta arkitzen zara, Jesusen Biotzetik ateratzen den ondasun andiarekin.

Jesusek du Biotz beraš umilla. Jainkoaren Biotz eder au beti zegoen prest bere Aitak agintzen zion eta nai zuen guzia egiteko, bizi guzian egondu zen Jesusen Biotza gure oben ta charkerien arantzaz pitzatua; ta ala ere Pasioko nekeak eta Gurutzeko eriotza zetozkion naiez ta egarriz. Uzten badezu zere biotzaren gogortasuna ta burua goratu naia: arkitzen bazera prest, agintzen zaitzun ta Jainkoak nai duena egiteko; maite badezu gurutzea; edo zugatik anbat nekatu zen Jesusen izenean artzen badituzu, gogo gaiztoak nai ez litukean nekeizerdiak; maitetasunak dakarren alkarren iduri ta antzarekin daude zure ta Jesusen Biotza.

Jesusek bezala, biotz bera umilla du Jesus ona maitatzen duenak. Jesus mundura baño len, onen berria zuten Profetak esaten zituzten, ta banatzen aren egokiak; eta lenbiziko lekuan, zioten, izaiñ zuela Jesusek Biotz bera išil umilla. Lege zarreko guzietatik Moises ta Dabid izandu ziran Jesusen antz eta irudi geyenekoak: eta biak ziran umiltasun ta mansotasun andiena zutenak; bada Moisesgatik dio Eskriturak, etzela arkitzen ura baño gizon beraš eta mansoagorik: *Vir mitissi-*

mus super omnes, qui morabantur in terra: eta Dabidek Jainkoagandik zerbait nai edo uste zuenean, bere beraštasa agertzen zion: Memento, Domine, David, et omnis mansuetudinis ejus. Jesusek berak esaten digu, ikas dezagula aren Biotzeko beraštasa ta umiltasuna, oriek dirala, nolakoa den ongiena adirazten duten birtuteak: discite a me, quia mitis sum, et humilis corde.

Jesus maitatzeko izan bear dezu norgana-nai biotz onekoa: bestela ez da izaiñ zure biotza, Jesusen biotza bezalakoa; ta elkarren gisako biotzak ez dituztenak, ez dute maitatzen elkar. Biotz on bera duenak fite birtuteak beretuko ditu. Orretara biotza ekarteko, nai etzenituean gauz anitz eraman bearke dituzu. Jainkoaren izenean eramanaz, oituko zara gaizkiak asaldata gabe aditzera, bidegabeak isillik ikustera, eta charkeriai charkeriekin ez, baizik al-dezun ongiarekin eranzutera. Onelako aldietan arpegi aserre, kopet illun ta begi urdinzorrotzekin gelditzen diranak, ez dute oraindik Jesusen onetsiak duten biotz beraš umilla.

A. SEBASTIAN MENDIBURU-K

